

արար որոնել և քննել զվանա, թէ զի՞նչ արդեօք թողեալ
 իցեն նախորդք իւր. և ժողովեալ առ նա Միաբանաց երդ-
 մամբ վկայեցին առաջի նորա, թէ սոքա են զերծեալքն
 ՚ի ձեռաց յափշտակչաց, 3 սկիհ պղինձ, 4 սկիհ արծաթ,
 5 կանթեղ, 1 բուրվար, 12 փոքր խաչ և 1 միջակ, յորոյ
 վերայ արտմեցաւ յոյժ: Եւ զկնի աւուրց ինչ եկին առ նա
 աթոռակալ Հաննա վարդապետ. Սպարկերտցի լուսարար
 Տէր Դաւիթ, և Ուրհայեցի վերակացու Տէր Յակոբ, եւ
 ասեն. մի՛ այդչափ արտմիր եւ հոգայր, զի սակաւ ինչ
 պահեալ եմք յարդեանց Ս. Աթոռոյն, ազատելով ՚ի ձեռաց
 կեղեքիչ տեղակալաց: Յորոց վերայ սակաւ ինչ ուրախա-
 ցեալ, արձանացոյց և զայնս ՚ի տումարին, թէպէտ և նո-
 քա էին ոչ ինչ: Եւ ապա սկսաւ զարդարել զեկեղեցի
 Ս. Յակոբայ պէսպէս յօրինուածովք և պատկերօք տնօրէ-
 նութեան Քրիստոսի Փրկչին մերոյ, եւ ամենայն Սրբոց
 նորին: Կանգնեալ իւրաքանչիւր խորանաց ոսկեզօծ եւ
 մանրաքանդակ խաչկալս, զիւրաքանչիւրս նուիրեալ յա-
 նուն երեւելի անձանց ազգիս, ըստ չափու նուիրաց նո-
 ցին, յորոց միջի փայլի Ակնցի Երեւանենց պերճապատիւ
 Աղղոս Ամիրայն իւր բովանդակ ազգատոհմիւն, զորմէ լի-
 ցին բանք մեր նաեւ յետոյ. դրոշմեալ ՚ի ճակատ իւրա-
 քանչիւր յիշատակելաց զանմահ անուանս բարերարաց:
 Իսկ մեծ խաչկալն Աւագ Խորանի Տեառն եղբօր Յակոբայ
 Առաքելոյն, գերազանց է քան զամենեսին՝ մեծութեամբ
 և շքեղ յօրինուածովք, քանդակեալ յիշատակարան ՚ի ճա-
 կատ նորին երկաթագիր տառիւք, որ ունի օրինակ զայս:

ԿԱՐՈՂՈՒԹԵԱՄԲՆ ԱՍՏՈՒԾՈՅ ԿԱԶՄԵԱԼ ԿԱՆԳՆԵՑԱԻ
 ՈՍԿԵԶՕԾ ԽԱԶԿԱԼՍ ԵՐԿՆԱՀԱՆԳՈՅՆ ԽՈՐԱՆԻՍ ՍՐԲՈՅՆ
 ՅԱԿՈՒԱՅ ՏԵԱԹՆ ԵՂԲՕՐ ԱՍՏՈՒԱԾԱԴԻՐ ՍՐԲՈՅ ԱԹՈՒՈՅՍ
 ԱՄԵՆԱՅՆ ՀԱՅՈՅ. Ի ԹՈՒԻՆ ՌՃՀ ՄԷԿ ԱՄԻՆ 1171
 (1729). Ի ՊԱՏՐԻԱՐԲՈՒԹԵԱՆ ՍՐԲՈՅ ԵՐՈՒՍԱՂԷՄԻՍ ԵՒ
 ԲԻԻԶԱՆԴԻՈՅ ԳՐԻԳՈՐԻ ԵՒ ՅՈՎՀԱՆՆՈՒ ՎԱՐԳԱՊԵՏԱՑ՝
 ԱՇԱԿԵՐՏԱՅ ՏԵԱԹՆ ՎԱՐԳԱՆԱՅ ՎԱՐԳԱՊԵՏԻ ԲԱՂԻ-
 ՇԵՑԻՈՅ. ՀՈԳԱԲԱՐՁՈՒԹԵԱՄԲՆ ԵՒ ԶԱՆԻԻԿ ԿԵՐՏԵՑԱԻ
 Ի ՅԻՇԱՏԱԿ ՀՈԳԻՈՅ ԻՐԵԱՆՑ, ՀՈԳԵԻՈՐ ԵՒ ՄԱՐՄՆԱԽՈՐ